

Pelajar OKU terima anugerah

**MOHAMAD FAKHRI
MOHD ALI**

KUALA KETIL - Kekurangan yang ada pada diri tidak sekali menjadi penghalang buat insan istimewa ini untuk mencipta kejayaan di peringkat pengajian lebih tinggi.

Malah, atas kegigihan, ketabahan dan kecekalan diri dalam mengharungi kepayahan memperoleh ilmu akhirnya pelajar orang kurang upaya (OKU) membuktikan kemampuan diri untuk berjaya seperti insan lain.

Muhammad Ashraf Anuar, 25, mengalami kaki lemah sejak lahir muncul pelajar cemerlang sepanjang pengajian di Kolej Universiti Insaniah (Insaniah) dengan memperoleh Sarjana Muda Pentadbiran Perniagaan Dengan Keujian (Kewangan dan Perbankan Islam).

Beliau dianugerahkan Ijazah

dan disampaikan oleh Yang di-Pertuan Agung, Tuanku Abdul Halim Muadzam Shah yang juga Canselor Insaniah, di Dewan Tunku Permaisuri Hajah Hamidah di sini, semalam.

Muhammad Ashraf berkata, walaupun diri kekurangan sejak kecil, ia tidak pernah menjadikannya sebagai penghalang untuk diri berjaya.

Menurutnya, demi memenuhi cita-cita sebagai pensyarah, beliau melanjutkan pengajian di Insaniah dalam Diploma Pengurusan dan Perniagaan sebelum meneruskannya ke peringkat Ijazah Sarjana Muda.

"Saya terkejut dengan penganugerahan ini sebab tidak jangka akan berjaya ke tahap ini.

"Pada kesempatan ini, saya berterima kasih kepada semua pihak yang membantu sepanjang perjalanan hidup di Insaniah," katanya pada media semalam.

Beliau berkata, keberanian

berjumpa pensyarah dan bertanya mengenai pengajian antara faktor yang mendorong kejayaannya.

"Saya selalu beri tumpuan dalam kelas sebab apayang pensyarah ajar itu pastinya yang paling penting. Cara saya belajar pun samaseperti orang lain, cuma saya lebih memberi tumpuan sewaktu di dalam kelas. Kalau tidak faham, saya akan berjumpa dengan pensyarah di luar kelas," katanya.

Muhammad Ashraf berkata, keluarganya tidak pernah beranggapan dirinya adalah OKU, sebaliknya sentiasa memberi sokongan dan tunjuk ajar.

"Motivasi hidup saya adalah tidak pernah ada kekurangan dalam hidup dan akan terus berusaha mencapai kejayaan.

"Saya tidak pernah mengangap kekurangan pada diri adalah penghalang. Alhamdulillah, saya berjaya harungi liku-liku kehidupan dengan terang," katanya.



Muhammad Ashraf (dua, kiri) menunjukkan ijazah yang diperolehi kepada bapa, Anuar Md Zain (tiga) dan ibu, Zaiton Ariffin (tiga kiri)